

容齋隨筆卷第九 二十八則

霍光賞功

漢武帝外事四夷出爵勸賞凡將士有軍功無問貴賤未有哉賈山上書言治亂之鴻臚田廣明平益州夷斬首捕虜三萬但賜爵關內侯蓋霍贊美文帝以為山言多不欲求邊功益州之師不得已耳與唐宋璟抑郝靈佺斬默反時李廣以都尉戰昌以范明友擊烏桓傅介子刺樓蘭皆即侯之則為非是蓋明擊匈奴無尺寸功至不尺極取半

莊子載惠子之語曰一尺之棰日取其半萬世不竭雖為寓言然此理固具蓋但取其半正碎為微塵餘半猶存雖至于無窮可也特所謂卵有毛鷄三足犬可以為羊馬有卵火不熱龜長于蛇飛鳥之景未嘗動如是之類非詞說所能了也

漢文失材

漢文帝見李廣曰惜廣不逢時今當高祖世萬戶侯豈足道哉賈山上書言治亂之道借秦為喻其言忠正明白不下賈誼曾不得一官史臣猶贊美文帝以為山言多激切終不加罰所以廣諫爭之路觀此二事失材多矣吳楚反時李廣以都尉戰昌邑下顯名以梁王授廣將軍印故賞不行武帝時五為將軍擊匈奴無尺寸功至不得其死三朝不遇命也夫

陳軫之說疎

戰國權謀之士游說從橫皆趨一時之利殊不顧義理曲直所在張儀敗楚懷王使之絕齊而獻商於之地陳軫諫曰張儀必負王商於不可得而齊秦合是北絕齊交西生秦患其言可謂善矣然至云不若陰合而陽絕于齊使人隨張儀苟與吾地絕齊未晚是軫不深計齊之可絕與否但以得地為意耳及秦負約楚王欲攻之軫又勸曰不如因賂之以一名都與之并兵而攻齊是我亡地于秦取償于齊也此策尤乖謬不義且秦加無道于我乃欲賂以地齊本與國楚無故而絕之宜割地致幣卑詞謝罪復求其援而反欲攻之軫之說于是疏矣乃知魯仲連虞卿為豪傑之士非軫輩所能企及也

顏率見童之見

秦興師臨周而求九鼎周君患之顏率請借救于齊乃詣齊王許以鼎齊為發兵救周而秦兵罷齊將求鼎周君又患之顏率復詣齊曰願獻九鼎不識何塗之從而致之齊齊王將寄徑于梁于楚率皆以為不可齊乃止戰國策首載此事蓋以為奇謀子謂此特見童之見爾爭戰雖急要當有信今一給齊可也獨不計後日諸侯來伐誰復肯救我乎疑必無是事好事者飾之爾故史記通鑑皆不取

皇甫湜正閏論

晉魏以來正閏之說紛紛前人論之多矣蓋以宋繼晉則至陳而無所終由隋而推之為周為魏則上無所起故司馬公于通鑑取南朝承晉訖于陳亡然後係之隋開皇九年姑籍其年以紀事無所抑揚也唯皇甫湜之論不然曰晉之南遷與平王避戎之事同而元魏種寔匈奴自為中國之位號謂之滅耶晉寔未改謂之禪耶已無所傳而往之著書者有帝元今之為錄者皆閏晉失之遠矣晉為宋宋為齊齊為梁江陵之滅則為周矣陳氏自樹而奪無容于言故自唐推而上唐受之隋隋得之周周取之梁推梁而上以至于堯舜為得天下統則陳僭于南元閏于北其不昭昭乎此說亦有理然予復攷之滅梁江陵者魏文帝也時歲在甲戌又三年丁丑周乃代魏不得云江陵之滅則為周也

簡師之賢

皇甫持正集有送簡師序云韓侍郎貶潮州浮圖之士懼快以忤師獨憤起訪予求序行資適潮不顧蛇山鱷水萬里之嶮毒若將朝得進拜而夕死者師雖佛其名而儒其行雖夷狄其衣服而人其知不猶愈于冠儒冠服朝服感溺于經怪之說以數彝倫邪予讀其文想見簡師之賢而惜其名無傳于後世故表而出之

老人推恩

唐世救宥推恩于老人絕優開元二十三年耕籍田侍老百歲以上版授上州刺史

九十以上中州刺史八十以上上州司馬二十七年赦百歲以上下州刺史婦人郡君九十以上上州司馬婦人縣君八十以上縣令婦人鄉君天寶七載京城七十以上本縣令六十以上縣丞天下待老除官與開元等國朝之制百歲者始得初品官封比唐不侔矣淳熙三年以太上皇帝慶壽之故推恩稍優遂有增年詭籍以冒榮命者使如唐日將如何哉

唐三傑

漢高祖以蕭何張良韓信為人傑此三人者真足以當之也唐明皇同日拜宋璟張說源乾曜三故相官帝賦三傑詩自寫以賜其意蓋以比蕭張等也說與乾曜豈璟比哉明皇可謂不知臣矣

忠義出天資

忠義守節之士出于天資非關居位貴賤受恩深淺也王莽移漢祚劉歆以宗室之雋導之為逆孔光以宰相輔成其事而龔勝以故大夫守誼以死郭欽蔣詡以刺史郡守栗融禽慶曹竟蘇章以儒生皆去官不仕陳咸之家至不用王氏臘蕭道成篡宋褚淵王儉奕世達官身為帝甥主壻所以縱與滅劉唯恐不速而死節者乃王蘊卜伯興黃回任侯伯之輩耳安祿山朱泚之變陳希烈張均張珣喬琳李忠臣皆以宰相世臣為之丞弼而甄濟權皋劉海賓段秀寔或以幕府小吏或以廢斥列卿捐

身立節名震海內人之賢不肖相去何止天冠地履乎

劉歆不孝

事親孝故忠可移于君是以求忠臣必于孝子之門劉歆事父雖不載不孝之迹然其議論每與向異同故向拳拳于國家欲抑王氏以崇劉氏而歆乃力贊王莽倡其凶逆至為之國師公又改名秀以應圖讖竟亦不免為莽所誅子棻女愔皆以戮死使天道每如是不善者其知懼乎

漢法惡誕謾

李廣以私忿殺霸陵尉上書自陳謝罪武帝報之曰報忿除害朕之所圖于將軍也若乃免冠徒跣稽顙請罪豈朕之指哉張敞殺絮舜上書曰臣待罪京兆絮舜本臣素所厚更以臣有章劾當免受記考事謂臣五日京兆背恩忘義臣竊以舜無狀枉法以誅之臣賊殺不辜鞠獄故不直死無所恨宣帝引拜為刺史漢世法令最惡誕謾罔上廣敞雖妄殺人一語陳情則赦之不問所以開臣下不敢為欺之路也武帝待張湯非不厚及問魯謁居事謂其懷詐面欺殺之不貸真得御臣之法

漢官名

漢官名有不書于百官表而因事乃見者如行冤獄使者因張敞殺絮舜而見美俗使者因何並代嚴詡而見河隄使者因王延世塞決河而見直指使者因暴勝之而

見豈非因事置官事已即罷乎

五胡亂華

劉聰乘晉之衰盜竊中土身死而嗣滅男女無少長皆戕于斬準劉曜承其後不能十年身為人禽石勒嘗盛矣子奪于虎虎盡有秦魏燕齊韓趙之地死不一而後嗣屠戮無一遺種慕容雋乘石氏之亂跨據河山亦僅終其身至子而滅苻堅之興又非劉石比然不能自免社稷為墟慕容垂乘苻氏之亂盡復燕祚死未期年基業傾覆此七人者皆夷狄亂華之巨擘也而不能久如此今之金虜為國八十年傳數苗矣未亡何邪

石宣為彗

石虎將殺其子宣佛圖澄諫曰陛下若加慈恕福祚猶長若必誅之宣當為彗星下埽鄴宮虎不從明年虎死二年國亡晉史書之以為澄言之驗予謂此乃石氏窮凶極虐為天所棄豈一逆子便能上千玄象起彗乎宣殺其弟韜又欲行冒頓之事寧有不問之理澄言既妄史氏誤信而載之資治通鑑亦失于不刪也

三公改他官

國初以來宰相帶三公官居位及罷去多有改他官者范質自司徒侍中改太子太傅王溥自司空改太子太保呂蒙正自司空改太子太師是也天禧以前唯趙普王

旦乃依舊公師仍復還秩天聖而後恩典始隆張士遜致仕至以兵部尚書得太傅云

帶職致仕

熙寧以前待制學士致仕者率還官而解其職若有疾就閒者亦換為集賢院學士蓋不以近職處散地也帶職致仕方自熙寧中王素始後改集賢學士為修撰政和中又改為右文云

朋友之義

朋友之義甚重天下之達道五君臣父子兄弟夫婦而至朋友之交故天子至于庶人未有不須友以成者天下俗薄而朋友道絕見于詩不信乎朋友弗獲乎上見于中庸孟子朋友信之孔子之志也車馬輕裘與朋友共子路之志也與朋友交而信曾子之志也周禮六行五曰任謂信于友也漢唐以來猶有范張陳雷元白劉柳之徒始終相與不以死生貴賤易其心本朝百年間此風尚存嗚呼今亡矣

高科得人

國朝自太平興國以來以科舉羅天下士士之策名前列者或不十年而至公輔呂文穆公蒙正張文定公齊賢之徒是也及嘉祐以前亦指日在清顯東坡送章子平序以謂仁宗一朝十有三榜數其上之三人凡三十有九其不至于公卿者五人而

己蓋為士者知其身必達故自愛重而不肯為非天下公望亦以鼎貴期之故相與愛惜成就以待其用至嘉祐四年之制前三名始不為通判第一人才得評事簽判代還升通判又任滿始除館職王安石為政又殺其法恩數既削得人亦衰矣觀天聖初榜宋鄭公郊葉清臣鄭文肅公穀高文莊公若訥曾魯公公亮五人連名二宰相二執政一三司使第二榜王文忠公堯臣韓魏公琦趙康靖公舉連名第三榜王宣徽拱辰劉相沆孫文懿公抃連名楊寔榜寔不幸即死王岐公珪韓康公絳王荆公安石連名劉燁榜燁不顯胡右丞宗愈安門下壽劉忠肅公摯章申公惇連名其盛如此治平以後第一人作侍從蓋可數矣

辛慶忌

漢成帝將立趙飛燕為皇后怒劉輔直諫囚之掖廷獄左將軍辛慶忌等上書救輔遂得減死朱雲請斬張禹上怒將殺之慶忌免冠解印綬叩頭殿下曰此臣素著狂直臣敢以死爭叩頭流血上意解然後得已慶忌此兩事可與汲黯王章同科班史不書于本傳但言其為國虎臣匈奴西域敬其威信而已方爭朱雲時公卿在前曾無一人助之以請為可羞也

楚懷王

秦楚之際楚懷王以牧羊小兒為項氏所立首尾才三年以事攻之東坡所謂天下

之賢主也項梁之死王并呂臣項羽軍自將之羽不敢爭見宋義論兵事即以為上將軍而羽乃為次將擇諸將入關羽怨秦奮勢願與沛公西王以羽慄悍禍賊不許獨遣沛公羽不敢違及秦既亡羽使人還報王王曰如約令沛公王關中此數者皆能自制命非碌碌辱主受令于強臣者故終不能全于項氏然遣將救趙滅秦至于有天下皆出其手太史公作史記當為之立本紀繼于秦後迨其亡則次以漢高祖可也而乃立項羽本紀義帝之事特附見焉是直以羽為代秦也其失多矣高祖嘗下詔以秦皇帝楚隱王亡後為置守冢并及魏齊趙三王而義帝乃高祖故君獨缺不問豈簡策脫佚乎

范增非人傑

世謂范增為人傑予以為不然夷攷平生蓋出戰國從橫之餘見利而不知義者也始勸項氏立懷王及羽奪王之地遷王于郴已而弑之增不能引君臣大誼爭之以死懷王與諸將約先入關中者王之沛公既定關中則當如約增乃勸羽殺之又徙之蜀漢羽之伐趙殺上將宋義增為末將坐而視之坑秦降卒殺秦降王燒秦宮室增皆親見之未嘗聞一言也至于滎陽之役身遭反間然後發怒而去嗚呼疎矣哉東坡公論此事偉甚猶未盡也

翰苑故事

翰苑故事今廢棄無餘唯學士入朝猶有朱衣院吏雙引至朝堂而止及景靈宮行香則引至立班處公文至三省不用申狀但尺紙直書其事右語云詔報尚書省伏候裁旨月日押謂之詔報此兩事僅存

唐揚州之盛

唐世鹽鐵轉運使在揚州盡幹利權判官多至數十人商賈如織故諺稱揚一益二謂天下之盛揚為一而蜀次之也杜牧之有春風十里珠簾之句張祐詩云十里長街市井連月明橋上看神仙人生只合揚州死禪智山光好墓田王建詩云夜市千燈照碧雲高樓紅袖客紛紛如今不似時平日猶自笙歌徹曉聞徐凝詩云天下三分明月夜二分無賴是揚州其盛可知矣自畢師鐸孫儒之亂蕩為上墟楊行密復葺之稍成壯藩又燬于顯德本朝承平百七十年尚不能及唐之什一今日真可酸鼻也

張祐詩

唐開元天寶之盛見于傳記歌詩多矣而張祐所詠尤多皆他詩人所未嘗及者如正月十五夜燈云千門開鎖萬燈明正月中旬動帝京三百內人連袖舞一時天上著詞聲上已樂云猩猩血染繫頭標天上齊聲舉畫橈卻是內人爭意切六宮紅袖一時招春鶯囀云興慶池南柳未開太真先把一枝梅內人已唱春鶯囀花下傚傚

輓舞來又有大酺樂郊王小管李謨由寧哥來郊娘羯鼓退宮人要娘歌悖擊兒舞
阿鵬湯雨霖鈴香囊子等詩皆可補開天遺事弦之樂府也

古人無忌諱

古人無忌諱如季武子成寢杜氏之葬在西階之下請合葬焉許之入宮而不敢哭
武子命之哭曾子與客立于門側其徒有父死將出哭于巷者曾子曰反哭于爾次
北面而弔焉伯高死于衛赴于孔子孔子曰夫由賜也見我吾哭諸賜氏遂哭于子
貢寢門之外命子貢為之主曰為爾哭也來者拜之夫以國卿之寢階許外人入哭
而葬已所居室而令門弟子哭其親朋友之喪而受哭于寢門之外今人必不然者
也聖賢所行固為盡禮季孫宿亦能如是以古方今相去何直十萬也

宰我不詐

宰我以三年之喪為久夫子以食糲衣錦問之曰子女安乎曰安後人以是譏宰我
謂孔門高弟乃如是殊不知其由衷之言不為詐隱所以為孔門高弟也魯悼公之
喪孟敬子曰食粥天下之達禮也吾三臣者之不能居公室也四方莫不聞矣勉而
為瘠母乃使人疑夫不以情居瘠者乎哉我則食食樂正子春之母死五日而不食
曰吾悔之自吾母而不得吾情吾惡乎用吾情謂勉強過禮也夫不情之惡賢者所
深戒雖孟敬子之不臣寧廢禮食食不肯不情而為瘠蓋先王之澤未遠故不肖者

亦能及之

李益盧綸詩

李益盧綸皆唐大庠十才子之傑者綸于益為內兄嘗秋夜同宿益贈綸詩曰世故中年別餘生此會同卻將愁與病獨對朗陵翁綸和曰戚戚一西東十年今始同可憐風雨夜相問兩衰翁二詩雖絕句讀之使人悽然皆奇作也

容齋隨筆卷第十二則

楊彪陳羣

魏文帝受禪欲以楊彪為太尉彪辭曰彪備漢三公老年被病豈可贊維新之朝乃授光祿大夫相國華歆以形色忤旨徙為司徒而不進爵帝久不懌以問尚書令陳羣曰我應天受禪相國及公獨不怡何也羣對曰臣與相國曾臣漢朝心雖悅喜猶義形于色夫曹氏篡漢忠臣義士之所宜痛心疾首縱力不能討忍復仕其朝為公卿乎歆羣為一世之賢所立不過如是彪遜辭以免禍亦不敢一言及曹氏之所以得蓋自黨錮禍起天下賢士大夫如李膺范滂之徒屠戮殆盡故所存者如是而已士風不競悲夫章惇蔡京為政欲殄滅元祐善類正士禁錮者三十年以致靖康之禍其不為歆羣者幾希矣

袁盎溫嶠

趙談常害袁盎盎兄子種曰君與闕廷辱之使其毀不用文帝出談參乘盎前曰天子所與共六尺與者皆天下豪英陛下奈何與刀鋸餘人哉上笑下談談泣下車溫嶠將去王敦而懼錢鳳為之姦謀因敦餞別嶠起行酒至鳳擊鳳憤墜作色曰錢鳳何人溫太真行酒而敢不飲及發後鳳入說敦曰嶠于朝廷甚密未必可信敦曰太真昨醉小加聲色豈得以此便相讒貳由是鳳謀不行二者之智如此

日飲亡何

漢書爰盎傳南方卑濕君能日飲亡何顏師古注云無何言更無餘事而史記盎傳作日飲毋苛蓋言南方不宜多飲耳今人多用亡何字

爰盎小人

爰盎真小人每事皆借公言而報私怨初非盡忠一意為君上者也嘗為呂祿舍人故怨周勃文帝禮下勃何豫盎事乃有非社稷臣之語謂勃不能爭呂氏之事適會成功耳致文帝有輕勃心既免使就國遂有廷尉之難嘗謁丞相申屠嘉嘉弗為禮則之丞相舍折困之為趙談所害故沮止其參乘素不好鼂錯故因吳反事請誅之蓋盎本安陵羣盜宜其忮心忍戾如此死于刺客非不幸也

唐書判

唐銓選擇人之法有四一曰身謂體貌豐偉二曰言言辭辯正三曰書楷法道美四曰判文理優長凡試判登科謂之入等甚拙者謂之藍縷選未滿而試文三篇謂之宏辭試判三條謂之拔萃中者即授官既以書為藝故唐人無不工楷法以判為貴故無不習熟而判語必駢麗今所傳龍筋鳳髓判及白樂天集甲乙判是也自朝廷至縣邑莫不皆然非讀書善文不可也宰臣每啟擬一事亦必偶數十語今鄭畋勅語堂判猶存世俗喜道瑣細遺事參以滑稽目為花判其實乃如此非若今人握筆

論
據案只署一字亦可國初尚有唐餘波久而革去之但體貌豐偉用以取人未為至

古彝器

三代彝器其存至今者人皆實為奇玩然自春秋以來固重之矣經傳所記取郕大鼎于宋魯以吳壽夢之鼎賄荀偃晉賜子產莒之二方鼎齊賂晉以紀甌玉磬徐賂齊以甲父之鼎鄭賂晉以襄鐘衛欲以文之舒鼎定之顰鑑納魯侯樂毅為燕破齊祭器設于寧臺大呂陳于元英故鼎反乎磨室是已

玉藥杜鵑

物以希見為珍不必異種也長安唐昌觀玉藥乃今場花又名米囊黃魯直易為山礬者潤州鶴林寺杜鵑乃今映山紅又名紅躑躅者二花在江東彌山亘野殆與榛莽相似而唐昌所產至于神女下游折花而去以踐玉峰之期鶴林之花至以為外國僧鉢孟中所移上玄命三女下司之已踰百年終歸閬苑是不特土俗罕見雖神仙亦不識也王建宮詞云太儀前日暖房來囑向昭陽乞藥栽勅賜一窠紅躑躅謝恩未了奏花開其重如此蓋宮禁中亦鮮云

禮寺失職

唐開元中封孔子為文宣王顏子為兗公閔子至子夏為侯羣弟子為伯本朝祥符

中進封公為國公侯為郡公伯為侯紹興二十五年太上皇帝御製贊七十五首而有司但具唐爵故宸翰所標皆用開元國邑其失于攷據如此今當請而正之可也紹興末胡馬飲江既而自斃詔加封馬當采石金山三水府太常寺按籍係四字王當加至六字及降告命至其處廟令以舊告來則已八字矣逐郡為繳回新命而別易二美名以寵之禮寺之失職類此方完顏亮據淮上予從樞密行府于建康嘗致禱大江能令虜不得渡者當奏冊為帝泊事定朝廷許如約朱丞相漢章曰四瀆當一體獨帝江神禮乎予曰懲勸之道人神一也彼洪河長淮受國家祭祀血食不為不久當胡騎之來如行枕席唯大江滔滔天險坐遏巨敵之衝使其百萬束手倒戈而退此其靈德陰功于河淮何如自五岳進冊之後今蔣廟陳果仁祠亦稱之江神之帝于是為不忝矣朱公終以為不可亦僅改兩字吁可惜哉

徐凝詩

徐凝以瀑布界破青山之句東坡指為惡詩故不為詩人所稱說子家有凝集觀其餘篇亦自有佳處今漫紀數絕于此漢宮曲云水色簾前流玉霜趙家飛燕侍昭陽掌中舞罷簫聲絕三十六宮秋夜長憶揚州云蕭娘臉下難勝淚桃葉眉頭易得愁天下三分明月夜二分無賴是揚州相思林云遠客遠游新過嶺每逢芳樹問芳名長林偏是相思樹爭遣愁人獨自行翫花云一樹梨花春向暮雪枝殘處怨風來明